

Wie sich die Weiber/ für/ inn/ vnd
auff vns haben / greuwlichen straffen/
Darumb wenn wir hören oder erfahren/
daß einem Weibe/ die doch das zeugnuß
für der Welt hat/ daß sie fromb ist / inn
der geburt mißgelungen / sol vns solch
Exempel/ vnd solche vnzeitige oder miß-
geburt bewegen zur Buß vnd besserung/
vnsers sündlichen lebens / vñ gedencken/
geschicht das an den frommen / vñnd an
der vnschuldigen leibes frucht / was wil
mit den Bösen vnd Gottlosen werden/
Wie geschrieben stehet Prouerb. am 1.
Si iustus in terra patitur, quanto magis
impius & peccator. So der Gerechte
auff Erden leydet / wie viel mehr der
Gottlose vnd Sünder/ das ist/ Weil die
Frommen / die Christen vñnd Gottselis-
gen sich so vil vnglücks in der Welt ge-
nieten müssen / wie wils denn den Gotts-
losen gehen / Vnd Christus spricht auch
im Luca am 23. Capitel / So man das
thut am grünen Holz/ was wil am dür-
ren werden/ als solt er sagen/ Thut man
das